



## **Kautusang Pampubliko ng Glendale Blg. 2020-09**

### **Sa ilalim ng Pang-Emerhensiyang Awtoridad ng Lungsod ng Glendale**

**Petsa ng Paglathala: Mayo 15, 2020**

### **Mga Hakbang ng Lungsod Pagtugon sa COVID-19**

#### **Bahaging Pawalang-bisa ng GPO Blg. 2020-04**

**Samantalang** noong Marso 16, 2020, ang Konseho ng Lungsod ng Glendale, alinsunod sa Glendale Municipal Code Kabanata 2.84, ay nagpahayag ng lokal na emerhensiya. Kinailangan ito dahil sa lumulubhang pag-aalala sa Coronavirus Disease 2019 (COVID-19), isang matinding sakit sa paghinga na sanhi ng novel (bagong) coronavirus. Kabilang sa mga sintomas ng virus ay lagnat, ubo, at kapos na paghinga, at ang mga nahawang indibidwal ay nakakaranas ng iba't ibang pakiramdam, mula sa banayad hanggang sa malubhang pagkakasakit at kamatayan. Ang bilang ng mga kumpirmadong kaso ay patuloy na tumataas sa loob ng maikling panahon. Ipinapayo sa atin ng Centers for Disease Control and Prevention na ang COVID-19 ay mabilis na kumakalat sa bawat tao kaya ito ay naglabas ng mga alituntuning nagrerekomenda sa publiko na sumunod sa mga patakaran at magpanatili ng social distancing o pagpapanatili ng distansya sa kapwa hanggang maaari. Bilang karagdagan, nagpalabas ang Konseho ng Lungsod noong Marso 16, 2020 na isara at limitahan ang pagpasok sa ilang mga pampublikong establisimiyento;

**Samantalang** ang Lungsod ng Glendale ay mas matinding nagsisikap na mapanatili ang kalinisan ng kamay, maingat na pamantayan sa paghinga, at social distancing. Lubhang kritikal na gawin ng Lungsod ang lahat ng kanyang makakaya upang mapabagal ang pagkalat sa komunidad at maiwasan ang hindi kinakailangang pahirap sa sistemang medikal. Upang makatulong sa mga pagsisikap, sa ilalim ng emerhensiyang awtoridad na ibinigay sa Direktor ng mga Serbisyong pang-Emerhensiya alinsunod sa Kabanata 2.84 ng Glendale Municipal Code, upang gumawa at mag-isyu ng mga patakaran at regulasyon sa mga bagay na makatuwirang may kaugnayan sa proteksyon ng buhay at pag-aaring naaapektuhan ng naturang emerhensiya, iniutos na ang isang serye ng pansamantalang mga paghihigpit ay ipatupad sa ilang establisimiyento sa buong Lungsod ng Glendale kung saan ang malaking bilang ng mga tao ay maaaring magtipon at manatiling magkakalapit;

**Samantalang** noong Marso 23, 2020, ang Direktor ng mga Serbisyong Pang-Emerhensiya ay nagpatupad ng Pampublikong Kautusan ng Lungsod ng Glendale Blg. 2020-04, na nagsara sa lahat ng mga trail ng Lungsod at lahat ng mga korte ng palakasan/palaruan, fields at mga kagamitan sa lahat ng mga parke at panlibangang pasilidad na pag-aari ng Lungsod;

**Samantalang** noong Marso 24, 2020, ang Kautusan ay pinagtibay ng Konseho ng Lungsod;


**Samantalang** noong Mayo 9, 2020, naaayon sa mga pagbabago sa Kautusang Safer at Home ng County ng Los Angeles, ang Pampublikong Kautusan ng Glendale Blg. 2020-04 ay bahaging pinawalang-bisa, at ang mga trails at trailheads ay muling binuksan, at ang nasabing kautusan ay pinagtibay ng Konseho ng Lungsod noong Mayo 12, 2020;

**Ngayon**, sa bisa ng awtoridad na ipinagkaloob alinsunod sa Kabanata 2.84 ng Glendale Municipal Code, ang Direktor ng mga Serbisyong Pang-Emerhensiya ay naglalabas ng mga sumusunod na kautusan, epektibo mula 11:59 p.m. sa Mayo 15, 2020, hanggang sa katapusan ng panahon ng pagpapatupad ng lokal na emerhensiya:


Seksyon 1. Naaayon sa mga pagbabago sa Kautusang Safer At Home ng County ng Los Angeles, ang Pampublikong Kautusan Blg 2020-04 ng Glendale ay bahaging pinawalang-bisa, at ang mga tennis court, pickle ball court, mga hardin na pangkomunidad, at mga lugar ng pangangabayo (equestrian area) sa Riverwalk ay ibinubukas na sa publiko. Ang sinumang tutungo at titigil sa mga lugar na ito ay kailangang magpanatili ng social distancing, magsuot ng takip sa mukha (na ipinatutupad ng mga Resolusyon ng Lungsod Blg 20-41 at 20-55), at sumunod sa iba pang mga hakbang pangkaligtasan na maaring ipatupad kung kailangan.

Seksyon 2. Anumang paglabag sa mga nabanggit na Pampublikong Kautusan ay maaring isanggunii sa Opisina ng City Attorney para sa pag-uusig sa ilalim ng Municipal Code ng Glendale Kabanata 1.20, na nagpapataw ng multa na hindi lalampas sa \$1,000 o pagkabilanggo na hindi hihigit sa anim na buwan. Ang bawat indibidwal na opisyal ay dapat gumamit ng kanilang diskresyon sa pagpapatupad ng utos na ito at palaging isaisip ang hangarin ng Kautusang ito. Ang mga paglabag ay sasailalim sa mga probisyon ng Glendale Municipal Code Kabanata 1.24, na nagpapataw, kasama ang iba pang mga mekanismo ng pagpapatupad na nakalagay doon, para sa multa ng \$400 para sa unang paglabag, \$1,000 para sa pangalawang paglabag, at \$2,000 para sa ikatlong paglabag.

Ika-15 Araw ng Mayo, 2020  
Time: 01:58 p.m.

By:   
Yasmin K. Beers  
Direktor ng mga Serbisyong Pang-Emerhensiya

Approved as to Form:  
MICHAEL J. GARCIA, CITY ATTORNEY

By:   
Title: City Attorney  
Date: May 15, 2020